



Broj/Број: 4/1-50-1-83-22/05  
Sarajevo/Сарајево: 31.5.2005.

## **ZAPISNIK**

### **22.sjednice Zajedničke komisije Parlamentarne skupštine BiH za odbrambenu i sigurnosnu politiku i nadzor nad radom odbrambenih i sigurnosnih struktura na nivou BiH**

Sjednica je održana 31.5. 2005. godine, u zgradi Vlade Brčko Distrikta BiH, u vremenu od 12,00 do 13,00 sati.

Sjednici su prisustvovali članovi Zajedničke komisije: Boško Šiljegović, Branko Zrno, Seada Palavrić, Adem Huskić, Osman Brka i Mirko Blagojević.

Sjednici, iz opravdanih razloga, nisu prisustvovali: Šefik Džaferović, Halid Genjac, Vinko Radovanović, Anto Spajić, Momčilo Novaković i Vinko Zorić.

Na sjednici su bili i Cvijetin Nikolić, član Odbora za odbranu i sigurnost Narodne skupštine RS, i Christian Haupt, predstavnik OSCE-a.

Osim članova, sjednici je prisustvovala Dragica Hinić, privremeni sekretar Komisije, i Željko Grubešić, ekspert za pomoć u radu Komisije.

Za raspravu na sjednici predložen je sljedeći

## **DNEVNI RED**

1. Pregled dosadašnjih aktivnosti Zajedničke komisije u vezi sa sastancima i posjetama domaćim institucijama iz nadležnosti ove komisije u okviru obavljanja parlamentarnog nadzora, susretima s međunarodnim predstavnicima i predstavnicima parlamenata i radnih tijela drugih država u našoj zemlji, te posjetama i susretima s parlamentima i radnim tijelima drugih država izvan BiH.

Članovi Zajedničke komisije potom su jednoglasno usvojili i predloženi dnevni red.

### **Ad.1. Pregled dosadašnjih aktivnosti Zajedničke komisije u vezi sa sastancima i posjetama domaćim institucijama iz nadležnosti ove komisije u okviru obavljanja parlamentarnog nadzora, susretima s međunarodnim predstavnicima i predstavnicima parlamenata i radnih tijela drugih država u našoj zemlji, te posjetama i susretima s parlamentima i radnim tijelima drugih država izvan BiH**

**Boško Šiljegović** istaknuo je da je posjeta Brčko Distriktu BiH iskorištena i za održavanje sjednice Zajedničke komisije na kojoj su informativno sagledane sve dosadašnje aktivnosti u vezi sa sastancima s predstavnicima domaćih i institucija drugih zemalja tokom tekuće godine. Naveo je da

je ovaj period obilovao nizom susreta koji se mogu svrstati u tri cjeline, kako je to uobičajeno i u pisanom pregledu dostavljenom članovima Komisije.

Tako je Komisija održala sastanke s predstavnicima domaćih institucija za čiji je parlamentarni nadzor ovlaštena, kao što su DGS, Interpol, Centar za uklanjanje mina (BHMAC), Državna agencija za istrage i zaštitu (SIPA). Druga grupa aktivnosti odnosila se na susrete s predstavnicima stranih delegacija koji su posjetili BiH i susrete s predstavnicima međunarodne zajednice u BiH. U okviru ovog dijela članovi Zajedničke komisije sastali su se s ambasadorom Švicarske, s delegacijom Parlamenta SR Njemačke, s komandantom snaga EUFOR-a u BiH generalom Dejvidom Likijem, komandantom Štaba NATO-a u BiH generalom Stivenom Šukom, sa šefom Odjela za saradnju u oblasti odbrane PSNATO-a Georgeom Katsirdakisom, s francuskim senatorima i ambasadorom Francuske u BiH. Treći dio susreta odnosi se na posjete članova i osoblja Zajedničke komisije institucijama i tijelima drugih država. U ovom dijelu realizirane su posjete radnim tijelima i institucijama iz oblasti odbrane i sigurnosti Švicarske, Slovenije, Bugarske, a krajem 2004. i Hrvatske. Na kraju je konstatirao da su sve posjete izuzetno značajne za napredak u sferi parlamentarnog nadzora i demokratizacije oblasti odbrane i sigurnosti u BiH, što je veliki korak u procesu priključenja Bosne i Hercegovine PFP-u i NATO-u.

U raspravi su učestvovali svi prisutni članovi Zajedničke komisije, kao i Cvijetin Nikolić, član Odbora za odbranu i sigurnost NSRS, izražavajući pritom izuzetno zadovoljstvo dosadašnjim stepenom angažiranosti u radu ove komisije, te nadu da će se i u narednom periodu istrajati na tom putu.

Zapisnik sačinila  
Dragica Hinić

Privremeni predsjedavajući  
Zajedničke komisije  
Boško Šiljegović

